

Le principessa dormiente

Fratres Grimm



Traduction: Sven Frank e Italo Notarstefano

Le princessa dormiente

traducite in interlingua per Sven Frank, Germania, e Italo Notarstefano, Italia

Illustration: Margaret Evans Price

Composition: Thomas Breinstrup. Revision: Bent Andersen.

Publicate: decembre 2007

© 2007 Union Mundial pro Interlingua

Paolo Castellina, Suissa, ha registrate iste e-libro in interlingua in un file MP3.

Tote derectos reservate. Iste texto es facile disponibile pro uso non-commercial solmente. Tote formas de re-vendita o re-distribution electronic o imprimite es prohibite sin permission in scripto. Nulle parte de iste publication pote assi esser reproducite, copiate, conservate in un sistema de cercar o transmittite in ulle forma o per ulle metodo: graphic, electronic, mechanic, photographic, registrate sur disco o cassetta, transferite a bases de datos o in altere maniera sin permission in scripto. Es permittite citar in recensiones con indication del fonte.

Bibliotheca electronic in interlingua

www.interlingua.com

Le Bibliotheca electronic in interlingua es un collection de eLibros, redigite e publicate per le Union Mundial pro Interlingua (UMI), www.interlingua.com

Le princessa dormiente

Olim, in un pais multo lontan, habitava un rege e un regina qui desirava un baby. Multe annos passava ante que le desiro deveniva realitate e un parve puera nasceva.

Le rege e regina esseva multo felice, dunque illes celebrava un grande festa. Illes invitava tote lor amicos e il habeva multe jubilo in le castello.

Le fees del regno etiam esseva invitata e post le festa tote le fees amabile vadeva al camera del parve princessa. Un post le altere exprimeva lor desiros: que illa poterea devenir belle, intelligente e amabile. Durante que le fees diceva lor desiros, le porta se aperiva e un fee malitiose entrava.

“Proque esseva io non invitata?” critava illa. De facto le rege e le regina habeva oblidate invitar la. Appoiantse super le cuna del baby le malitiose fee diceva: “Quando tu habera 15 annos, tu te piccara con un fuso e morira.”

Habente dicite isto, illa dispareva in un nube de fumo. Le ultime bon fee non ancora habeva conferite su dono, dunque illa desirava que le princessa non haberea morite, ma solmente haberea dormite pro cento annos. Le rege ordinava, que tote le rotas a filar del regno esseva destruite.

Le annos passava e le parve princessa deveniva un belle

juvene dama. Le malediction del fee malitiose esseva oblidate e tote le personas in le castello esseva felice.

Al dece-quinte anniversario del princessa, illa ambulava in le castello e aperiva un porta supra un vetere scala. In iste camera illa videva un vetule femina qui moveva un rota estranie.

“Que face vos?” demandava le princessa, qui naturalmente non jammais habeva vidite un rota a filar antea.

“Io fila”, respondeva le vetule femina. “Esque tu volerea probar lo?”

Si tosto que le princessa prendeva le fuso, illa piccava su digito e cadeva al terra in un somno profundissime. Quando le rege e le regina la trovava, illes la poneva in su lecto. Le fees amabile veniva e diceva que le princessa poteva eveliar se solo si un prince la basiava. E a fin que illa non debeva esser sol durante le somno longissime, illas brandiva lor virgas magic e cata persona e cata animal del palatio se addormiva. Le rege, le regina, soldatos, servidores e servitrices, cavallos, canes, muses e rattos, cata uno se addormiva e durante lor somno un silva magic cresceva circum le palatio pro proteger lo.

Le annos passava e legendas super le belle princessa dormiente circulava. Multe juvene homines probava attinger le

palatio in le silva, ma nemo succedeva penetrar in le silva magic.

Cento annos plus tarde exactemente, un juvene prince chassava presso le palatio e demandava a un forester re isto.

“Mi vetule granpatre me narrava que un malediction esseva ponite sur le princessa e que illa esseva intra, dormiente un somno profundissime, con tote le personas del palatio e que illa poteva esser eveliate solmente per un basio de un prince. Ma nemo habeva succedita penetrar trans le silva,” addeva le forester.

Le prince ascoltava con un entusiasmo que augmentava con le proceder del narration e prendeva in fin un decision: ille esserea le prince qui eveliareba le princessa dormiente. Ille regratiava le forester e continuava su cammino in direction del silva que esseva circum le palatio.

Quando ille se approchava, ille prendeva su gladio, ma ille esseva stupite, proque le ramos vadeva a parte pro facer loco a ille.

Le prince non debeva usar le gladio. Quando ille arrivava al portas aperte del palatio, ille poteva vider le guardas dormiente. Le prince deposit entrava.

Tote le palatio esseva dormiente, anque le canes in lor parve cabana. Le brave, juvene prince continuava su cam-

mino trans cameras obscur cercante le princessa dormiente. Finalmente ille la trovava jacente in su lecto. Le princessa esseva ancora belle. Ille se geniculava e la basiava multo suavemente super le labios. Le oculos de illa se aperiva: finalmente le princessa se eveliava.

Presto cata persona in le palatio exiva del somno, le servidores, le servitrices, le soldatos e le cocineros, cata uno se eveliava e se extendeva, demandante se que cosa habeva evenite.

Le rege e le regina accurreva pro vider lor filia e finalmente la trovava completamente eveliate.

Le prince e le princessa se inamorava e le rege e le regina consentiva felicemente al mariage e totes viveva felice e longemente. Ma illes non moriva, proque illes continuamente vive in le narration de lor historia.